

**KHIELUNG  
KA DIENGDYNGKHONG  
Kluniar Ka Pyrthei**



**LEO LINGDOH RINA  
1988.**



**Khielung Ka  
Diengdyngkhong  
Klumar Ka Pyrthei**

**LEO LYNDOH RINA**

*la ka hok longtrai la bat tyngkai  
Ka sien shon ba nyngkong  
1988.*

**PYNDENGUMIONG : : MAIRANG**

---

*This book is Published with financial assistance  
of the government of Meghalaya.*

MEGHALAYA STATE CENTRAL



## **Ka Bih Seinio 13 ka kie berong**

Nga sngew phuhmut phuhmat katba nga dang pule ia kane ka Drama lyngkot u Bah Leo Lyngdoh Rina, kaba u jer kyrteng "Khie lung ka Diengdyngkhong. Kulmar ka pyrthei" Ka long shisha kaba eh ban ialeh pyrshah ia ki Dieng tyndung ka jingim da ka atiar jong ka jingsarong. Ka ktien phia kaba ju synran ia ngi ka long "Kumba ngi bet kumta ruh ngin oi" Kane kam ju bakla.

Hadien ba ka pyrthei ka la sei sla Sei Soh, kam long kaba suk ban shu pynjulor da ki shympriah kti kiba tohmet. Dei ban ia sngewthuh lem ia ka eh ka shon, ia ka saw ka sjan. Kaba ki la iaid lyngba. Ngi lah ban kheiñ dewthala ia ka jong kiwei, katba ia ka lajong pat, ngi sumar kum ia i pylleng. Don kiba tharai, "Don spah don burom." Hynrei ki klet ba kaba kongsan eh ka dei ka jinglong. Da kane ngi lah ban iapeiñ bad kano kano ka mar kaba kordor.

Ka jingtanglang ka long kawei pat ka daw, kaba ju pynhar ia ka kyrdan longbriew man briew, katba don pat kiba ñiew ialade kum ki riewdon kyrdan da kaba peit ibeiñ ia kiwei kiba kyntait ban ia kyrsum bad ki lada ki bi-shar na ka jylli kiba ki don ka shai kumba shai ka sngi, u Bah Leo Lyngdoh kum u riewpeit ngor, u ia tyngkhuh bad kane ka kynhun, kaba pyrshang ban leh tynneng khlem sngewthuh. Ban foh ia kaba ki thrang, kim salia

wat ban lute na kiwei. Nga ngeit ba ka long kham poh na kiba poh baroh. Niar eh ba ngin peiphang ia kane ka jingshisha wat la kam da long kaba jwat kata katta. Ki riew-madan ki sngewthuh haduh katno ia kane? Lah ne em ban ia nujor bad kano kano ka jinglong tang ka pylla kaba kumno kaba lah ban ai ka rai kaba biang slait. Ka don ka jingartatien kaba khraw ki riew kynsai, ki riew wad daw kim ju iohthiah palei kum kiwei pat. Ki im jingmut khliaw, katba ki dang khap la ki khmat kumno ban khyllie daw, ban pynlong ka jakri ka jakra? ka kti ka kjat jongki ka buid kum ka wait shong tyrut kim ju pyrkhath pat shano kan lynshop ia ki.

U Thylliej jong ki u shlei da ka phlan duman na sdang ha kut' ym don ka sang ym don ka ma hakmat jong ki. Don ruh kiba thap kabu na ka ktien jongkine ki ricw khlem pyrkhath khlem poi kynmaw pat ba ki lah ban khyllie daw bad dawa ia kaba ki la duh.

Lyngba kane ka Drama, u Bah Leo Lyngdoh, u pynphalang ia ngi ia ka jingshisha, kiba ka pyrthei ka la kyrsum jynde bad ka, khlem thew khlem woh. Tang kiba pyn shong lyngngeit ia la ka pyrkhath ka pyrdaiñ ha kane ka jylli ki lah ban sngewthuh haduh katno ka sting.

Kumta nga ai la ka kitbok ka kit rwiang ia u Bah Leo Lyngdoh, ba un nang ioh ka met

( iii )

kaba khlain kaba shait ba un nang lah ban sei shuh shuh sa ia kiwei pat ki thup kiba u dang tyngkai, ba u lah ban shakri sngur mynsiem ia la ka ri bad ka jaitbynriew da ka sap kaba u Blei Trai Kynrad u la tyrsat ha u. Lyngba jong kane ka Drama u Bah Leo u la nang pynriew-spah shuh shuh ia ki Drama khasi, ban nang ia pyniar ia u tnum u tyndai ha kane ka liang, haduh ba ngin da, long kiba dap pura bha.

Nga khmih lynti ruh ba un nang san irat ha ka pyrkhat ka pyrdaiñ, ba ki symboh ba thiang kiba un sei, kin da long shisha kiba don la ka dor.

*Dt. Iewrynghep* [   
*10th Nov. 1987* [

**B. C. Jyrwa**  
*Lecturer*  
Dept. of Khasi, Shillong  
College Shillong





## KA BYNTA KABA NYNGKONG

Ha Lumjingtep :-

Baroh ki ia don lut don kawei  
ka jingtep. U Dolan U sieh ia ka Diengphna  
Ka Apsaralin bad U Am ki buh syntiew. U  
Sah u thang mombati.

Donlan : Katto ngi la sah khutswet, ngim  
don pa don mei don kfi don kpa  
shuh. (U lam. Ka Apsaralin ruh  
ka iam)

Apsara : Balei mo ngam iap lang noh bad  
i mei.

Thierit : Shuh phi. wat ju kren kumta.

Kmie theirit :- Hooi ia ngin ialeit noh. Baroh  
ngi ia iet ia phi, phin shu  
iap noh kumno dang kat phi

Apsara : Em, ngam kwah im shuh, mar-  
wei hangue ha pyrthei ngan leh  
aiu? la suk ka iap.

Sah : (U kdup ia ka Apsara) Hep ngin  
sa ia im kumno khlem i mei ? (ki  
ia iam).

Am : Em wat ju duh jingkyrmem kum-  
ta. Sawngut shipara ngi iadon ngin  
ia kit iabah markylliang ia ka  
khia ka shon baroh.

**Dolan** : Hooïd lada duk ngin ia duk lang,  
lada riewspah ngin ia riewspah  
lang. Lada ioh bam ngin ia bam  
lang bad lada shah thngan ngin  
shah thngan lang. (Ki ia kdup  
baroh sawngut U Dolan, U Sah,  
U Am bad Ka Apsaralin)

**Kmie theirit:** Ia ngin ia leit noh sha ling.

**Dolan** : Ki lok ki jor, ki kha ki man  
shihajar nguh ba phi la wan ia  
on tep ia i mei khie ia leit suk  
ngi baroh shipara ngin ia sah  
khyndiat hangne, hajan i mei.  
(Baroh ki ia ia leit lait noh U  
Dolan, U Sah. U Am bad Ka  
Apsaralin).

**Kpa u** : Dolan, nga da sngewsynei kein  
**Phyrnai** iaphi, hynrei yn leh shuh kumno.  
Ia ka hok ngam banse ban shu  
iathuh ba phin tip, kata ruh lada  
phim sngew ei ei.

**Dolan** : Iathuh seh ma.

**Kpa u** : Nga tharai phi ia tip ba i mei  
**Phyrnai** jongphi la shisnem tam i khlem  
slew bai wai ia ka ling ba i shong.  
jaid ba i shitom nga shu sngap  
ia ka sngap bad mynta ba i la iap  
ngam kwah ba ka nongiap kan  
kit ram. Ieh ka mat shu iadep noh.

- Dolan : Ma, ia ka ram i mei ngan sa  
siew dep baroh.
- Kpa : Em ym donkam siew shuh. Hynrei  
phin sagewbha ban ia wad iing  
noh shawei mo. (U leit artad)  
(Sah ki shipara).
- Am : Shaei bad mano ban ai wai iing  
ia ngi ?
- Apsara : Balei phin khuslai, lada ym don  
jaka sah ngin ia sah hangne.  
Hooiid kein; hangne hajan i mei.
- Sah : Shuh phi hep, phi ba kren bieit eh.  
I mei i la kha janai ia ngi, ngi  
biang ia ki kti ki kjat la ka dur  
ka dar ka rymeng rymiot, ngin ia  
pyndonkam la kti la kjat ban trei  
ban kamai bad ban ngeit skhem  
ba ngin sa ioh ka iing kaba kysai  
arshah laishah ban ia kaba ngi  
shong mynta.
- Dolan : Ka dei, lada kiwei ki lah balei  
ngi ngim lah, kaba donkam tam  
ka long ka jingiaieit ia tylli  
jongngi shipara.
- Apsara : Kaba dei eh, ka jingkren i bah, ia  
ngin ia leit noh bad ngin ia sdang  
da ka jingim kaba thymmai.
- Dolan : Mei nang rap nang bud ma phi ia  
ngi ki khun. (ki ia leit artat).

**KA BYNTA KA BAAR**  
(Ha Lynti surok Shnong)

Wan ki sawngut shipara ki da iakit ia ki tum ki tam.

Dolan : Haba kumne shano keiñ ngin ia-leit sah mynta ka miet ?

Apsara : Bah nga la thngan te.

Sah : Shah shitom seh hep, ngin ia ap ia i Bah deng tharai i la jan wan hi.

Dolan : Tharai u Am u ioh iing mo. ?

Sah : Tip seh bah.  
(Wan u Am)

Baroh : Kumno ?

Am : Nga la ioh ka iing, tangba ka baiwai te ka rem haduh shispah tyngka shibnai.

Sah : Ka don katno kamra ?

Am : Ka don lai kamra. ar ki kamra thjah bad kawei ka iing shetja.

Dolan : La biang bha, ia ia noh.

Sah : Em, ieh ki mat nangialeit ki jong i hep bad i Bahdeng. Nga

bad i bah ngin ia leit wad jing-trei bad ngin sa ia shem biang la shibit hangne hi ban dup tip ia ka iing.

**Dolan** : Kaba dei. Khie Am nangialeit mame bad i hep. (Ki la ialeit) (wan Manager ka 5 Star Restaurant) . . . Phim dei maphi u trai ka 5 Star Restuarant . . .

**Manager** : Nga dei. Phi donkam aiu ?

**Dolan** : Sngewbha seh ai kam lem iangi ha Resruarant jong phi.

**Manager** : U wei long, ar ymlong ba la dap briew.

**Sah** : Jied maphi keifi Sahep. Phi imon iano ? Hynrei sahep badonburom lada lah te ai kam lang iangi baroh arngut keifi.

**Dolan** : Hooiid ai kam lang iangi baroh arngut.

**Manager** : Em tang uwei bad ia uta uba kham nangburom ianga (u kdew ia u Sah) Mame ! me kyrteng kumno ?

**Sah** : Nga kyrteng u Sah, sahep badonburom.

- Manager** : (U kdew ia u Dolan) Me pat ?
- Dolan** : Dolan dei ka kyrteng jongnga.
- Manager** : Ale sah. ngan ai kam ia me.
- Sah** : Khublei shibun eh sahep. (Ki ialeit artad) (Dolan sah marwei, u leh sngewsih. Wan u kpa u phyrnai, rah pla)
- Dolan** : Ma ! Phimut ban leit iew ne ?  
Ai kato ka pla ngan pynrah ma-  
nga.
- Kpa u Pynrai** : Shuh ! me tip don aiu ha kane  
ka pla?
- Dolan** : Em ma.
- Kpa u Phyrnai** : Don sanphew hajar. ! Me tharai  
ngan shu ai rah ha me kat ia  
ka sanphew hajar ?
- Dolan** : Map mama. Da ka jingmut ka  
basngur ba nga kwah ban leh bu-  
rom ia phi nga tyrwa ban pyn-  
rah ia kato ka pla, ym da kum-  
wei pat.
- Kpa u Pynrai** : Khie leit noh na nga ! wat ju wan  
thlia ia nga.
- Dolan** : Map mama lada nga la pynwit  
pynsalia ia phi. Hynrei nga kyr-

pad ia phi, sngewbha seh khot shong shakri noh ianga ha iing jongphi.

**Kpa** : Nga la ong wat wan thlia ianga Khie leit noh ! ngam ju donkam shakri.  
(Wan ka kmie ka Theirit ka da leh bhabriew)

**Kmie** : Phi ia bun ktien aiu ?

**Dolan** : Kmie i theirit. Nga kyrpad iaphi ba lada phi donkam, ban khot shong shakri ianga te.

**Kmie ka Theirit** : (Ka rkhie iapler) Ha . . . . .ho.....  
ho. . . . . Sngap seh kpa u Phyrnai. Sngew dei hi ba nga ka kynthei briew ngan khot shong shakri ia u Samla briew. Ha. . . . .  
ho. . . . .ho. . . . .Keiñ keiñ ioh phi kylla kynrad pynban.

**Kpa u Phyrnai** : Ka dei keiñ kata.

**Kmie ka Theirit** : Kpa u Phyrnai nga mut ban leit iew. Nga la kum klet rah pisa. Ai kylliang seh khyndiat. (ka da leit hajan da leh bhabriew pynbiej ia u kpa u Phyrnai)

**Kpa u Phyrnai** : Kmie i theirit, ban kyntait ia phi la eh. Katno phi donkam ?

**Kmie ka Theirit** : Tang arspah tyngka la biang. (u sei na ka beg u ai, ka shim) khublei ho, sa wan shim la shibit sha iing keiñ – Bye. . . . love. (Ka leit artat)

**Kpa u Phyrnai** : La slem bah ba i kmie u Phyrnai i la iap, khun kynthei ruh i khlem kha ban sumar ianga. U khun shynrang tip kumno ? Ka bha ban ia pyrshang noh bad i kmie ka theirit. Tharai para ba la iaiap lok kan biang bha ka tarajur. Ngan khroh ngan pah da ka pisa bad kan shu bieñ beit ia nga. (U mut ban leitnoh).

**Dolan** : Kpa u Phyrnai.

**Kpa u Phyrnai** : Oh katta me dangdon hangne ?

**Dolan** : Hooid. Sngewbha seh iashan lem tang shispah ba ngan thied khaw ia ki para.

**Kpa** : Kumno ? shispah ? na ei yn ioh ?

**Dolan** : Ai tang sanphew baroh la biang.

**Kpa** : Wat shiphew tynka ruh ym don. Ym don shinafa ruh ia me. Shuh ngan leit noh (U leit artat)

**Dolan** : Baroh ka ia ibeiñ ianga ! Ngan sa peit kai ia iwei pa iwei. Na me



kpa u Phyr nai katba ngam-pat ioh  
 ia kato ka pla pisa ngam pat suk.  
 Ia pha pat kmie ka theirit, khlem  
 ioh dei kiaw ia pha khlem suk.  
 Ngan bud sha ei phan ia leit ? (u  
 leit artat).

(Wan u Inspector pulit bad u pulit)

Inspector : Ngi donkam bun ki briew ban trei  
 ha ka kam pulit. Balei mo ym ju  
 don ba kwah ban trei ia kane ka  
 kam ?

Pulit : Tip seh sahep. (Wan u Am, u rah  
 ia ka coat ba ka kti).

Am : Khublei sahep.

Inspector : Khublei. Shano kumne ?

Am : Sahep ai kam lem seh ianga.

Inspector : Phí la pass aiu ?

Am : Nga dang shu dep ia ka matric.

Inspec : Te balei phim leit pule biang?

Am : Ym don nongkyrshan shuh. I pa  
 i la iap naduh ba nga dangrit. I  
 mei pat dang mynta shibnai ba i  
 la iap.

Inspec : To kam pher. Wan lashai sha  
 Thanad ngin sa phah training ia

phi bad phi tang shu dep training  
phi la ioh long A.S.I.

**Am** : Khublei shihajar nguh iaphi sahep.  
U Inspector u leit-iohsngew ka  
jingiaiajam ia pyrta shabar "Rap u  
nongtuh .... u nongtuh .... riew ka  
visil u pulit, ki briew ki ia pyrta-  
utai u ia phet .... beh...beh....

(Wan u Dolan u rah ia ka pla u  
kpa Phyrnai)

**Dolan** : Am ! ai kato ka coat hangne (u  
Am u ai. U Dolan u phong - u  
deng sa ki iitkhmat-iong u thang  
sikret, burieh ia ka pla) (Wan u  
kpa u Phyrnai, kmie, ka Theirit,  
Inspector badp ulit).

**Inspector** : Ei ! phi iohi ia u briew ba mareh  
nangne ?

**Dolan** : Hooid — utai tai. Ia ia ngin ia  
beh — (baroh ki iabeh)

(Ynda la leit lut baroh) ia shaling.  
(Ki ialeit)

( Khang ka pyrda )

## KA BYNTA KA BALAI (HA IING KA THEIRIT)

(La khreh kum ka kamra shongkai)

**Ka Sur** : Hadien katto katne snem ki por bad ki juk ki ju kylla. Kumjuh ruh ha ka jingim ki briew. U Dolan u la kham riewspah mynta hynrei um shym sangeh ka tuh ka lute. U la kylla long pynban u 1st class Gunda. U buh skul bad pynheh pynsan ia la ka para ka Apsara da ka tyngka tuh haduh ba kan da pass ia ka M.B.B.S. bad long doktor. Bun bun sien u shah shoh shah kem, shah set phatok, hynrei um salia, u iai tuh iai lute hi kumjuh. U Sah u iai trei hi ha 5 Statr Restaurant bad u ju iarap ia la u hynmen u Dolan. U Am u la pass bha ia ka training ha ka kam pulit bad u la ioh ia kyrdan Sub-Inspector of Police. U Kpa u Phyrnai u iai long hi u riewspah bad u contractor. u Phyrnai u la samla bad ia ibha samla bad ka Theirit, u Shaphrang pat u iai minot ha la ka kam pule ha College. Ka kmie jongka theirit ka im ha ka jingphohsniew samla.

(Riew ka jingtem. Ka kmie ka wan nabar ka bat shiliang ka kti ia ka iit bad shiliang pat ia u lipstick. Ka pein ka tah, ka pynbcit bha ia la ka riam ka beit kut ka sur jingtem - kren)

**Kmie ka Theirit** : Haba nga peit bha ialade bad ianuy ia ka dur ka dar bad ka rynieng, wat ki thei 15 snem ka rta kim pat iakot bad nga Mynta lei lei ba ym don kpa shuh sngew kylluid met La kwah riam kwah beit, kwah leh samla. (Ka rkhië) Ha.. ha . sngewsammut ba la ia samla mynta bad khun bad kmie. (Ka peit ia ki khohwah) tang ki khohwah ruh phin ioh na ei kum ki jongnga. Ki da wan dur kumba da ot. (Ka rkhië biang) ha....ha... ha.. (Wan ka theirit bad u Shaphrang).

**Shaphrang** : Mei;

**Theirit** : Phi sngew sam mut aiu mei ba phi rkhië marwei marwei?

**Kmie ka Theirit** : Shuh phi kine ki khun jongnga te ki la ia bieit sat. Haba phi la ia san la samla, bad phi ialeh donakor leh tipsngi, phi tharai ngan iam? Nga kmen nga rkhië

kein khun, (u Shaphrang bad ka theirit ki iapiam iadoh ia ka kmie).  
Oh Balei phi ia lait shuti ne balei mynta ka sngi?

**Theirit** : Ngi ia lait shuti. Tip dei ka sngi iap ne kha u Gandhi k ngam kynmaw shuh phi m:

**Kmie** : To kam lei lei. Khie ia leit sait-jain noh sha wah.

**Shaphrang** : Ngin sa ialeit saitjain la sngi saitjain kein mei.

**Kmie** : Une lei lei u jaituh.

**Theirit** : Shuh phi mei.. lait shuti shisien shisien ruh haduh katta katta eh.

**Kmie** : Te phan ia leit shaei heit?

**Theirit** : Ngi mut ban ialeit peitkai te mei.

**Kmie** : Kata ka bym lah long, ban thied khaw ngam don pisa ngan ioh pisa na ei ba phan ialeit peitkai mapha. Khie khie lum kito ki jain ialeit saitjain. Khie kloi (Kamat ia baroh arngut).

**Shaphrang** : Hynrei mei.....

**Kmie** : Wat stad mame. Iaid kloi (ki la ialeit).

## (Wan u Phyrnai)

- Phyrnai : Kmie i Theirit. Phi don ha iing?
- Kmie : Hooïd - oh da i Phyrnai du.
- Phyrnai : I Theirit i don ha iing?
- Kmie : I don
- Phyrnai : Ngi la iakut ban leit peitkai lang baroh laingut. Manga, i theirit bad i Shaphrang. Sngew-bha seh ban phah.
- Kmie : Ha phi te ka biang keiñ, jait ba phi bun ka spah ban ia pynlut kai. Hynrei hanga te shitom shibun. Wat tang ia ka ram i pa jong phi ruh ngam pat lah siew dep haduh mynta.
- Phyrnai : Ngam ju bna ba i pa i ai ram.
- Kmie : Em ymdei ba i ai ram. I shu ai kyliang ianga arspah tyngka mynha kato ba nga duna pisa ban thied khaw thied doh.
- Phyrnai : Katno phi ong ?
- Kmie : Tang arspah tyngka.
- Phyrnai : (U sei artylli ki lut shispah u ai) Shim sa siew noh kata ka pisa

kylliang. Ka la shim, ka da phuh samrkhie). Mynta nga lah em ban iashem ia i theirit?

**Kmie** : Ap shwa bai cinema ia ka theirit bad ia u Shaphrang te ngam don.

**Phyrnai** : Ia kata ruh nga la tip hi manga.

**Kmie** : Kan da iawan la shibit kan hap iabam ja suda. Ngam don pisa ban thied jingtah.

**Phyrnai** : O ho———(u sei pisa u ai) Shim (Ka la shim) Sa kaei de dang duna?

**Kmie** : La biang.

**Phyrnai** : Te mynta nga lah em ban ialam peitkai ia ki.

**Kmie** : Hooïd.

**Phyrnai** : Hangno ki iadon.

**Kmie** : Kitai haiing shetja. (u leit) Wan u Dolan u sngap siar ia ki ktien ka kmie) Dolan u la riam sut, teh tai u rah ia ka hand beg). Ban da ioh pyrta kurim kum ia kito te hooïd. Katba ang ha ka pyrthei shu ioh beit.

**Dolan** \* : Ka dei ! (kmie kyndit). Kaei mo kiba ngi donkam tam ha ka pyr-

thei? Dci ka pisa. (U pyni ia ka pla beg) hangne don shiphew hajar tyngka.

**Kmie** : Phi u ei . . . . . ba phi shu leh trai kumne ..khlem da kren shikyn-tien phi shu rung la ka rung ha iing.

**Dolan** : Phim ithuh shuh mo ianga? (u shong ha shuki, u sei sikret, thang ding leh khaiñ bha) Ha lynti iew la kumba san snem ei ei mynta (u ieng) don uwei u samla ba riam jot rathai uba pan kam shakri na phi. Uta u samla dei manga-ka kyrteng u Dolan. Mynta dei manga ba ai kam ia ki briew. Nga trei contractor bad nga dang wan draw ia ka final Bill. Nga tip ba phi ia shitom ia kyrduh bha, nga ju isynei ia ki riew kynthai baduk khamtam kiba la iap lok kum ma-phi.

**Kmie** : Ani. . . . .bah phi la dung syndon na u klong snam.

**Dolan** : Em wat sngew ei ei. Lada phim tip ia ka jingmong kumno phin tah dawai? Kaei kaba phi la leh ia nga myn san snem ba la dep ka pynmong ianga bad mynta nga la khem ia ka ksuid ka la mih shabar sah sa ba ngin ia tah dawai. Ka da



wai ka jingiadei paralok bad ia sngewthuh jingmut. u shong biang u plie ia ka hand beg, u sei shi song ki lut shiphew, u ieng) Ki-ne shihajar tyngka kum ka jingsdang bad jingiarap ia phi.

- Kmie : Ngam sngewthuh sngewthaw
- Dolan : Shim pyndonkam iaka katba phi mon.
- Kmie : Kumno phin shu ai ianga jin shihajar tyngka
- Dolan : Ka long ka sakhi bashisha ia ka jingkwah jong nga ban ialong paralok bad phi. Shim, lada phim treh ngan ai noh ia kiwei pat, bun byllai kiba kwah.
- Kmie : (ka pyrkhat.).
- Dolan : Shim (kmie ka shim). Te ngan leit shwa ho.
- Kmie : Da shong seh, ngin iadih da ka sha, (Dolan u shong) Theirit :— Theirit wan shane, (wan ka theirit, u Dolan u shu peit na khlieh ha kjat ia ka Theirit) Theirit ine i dei i bah Dolan (Dolan u ieng u sei ka kti ban iakhublei) (Ka theirit ka shu peit) To pha ong ia khublei ia i bah. (Theirit ka

al kti, u Dolan u bat baroh ar-  
liang ki kti lajong ia ka theirit).

**Dolan** : Very very glad te meet you  
theirit. (u shu bat sah ia ka kti  
ka theirit. Ka Theirit ka khlh  
tan ia ka kti, u Dolan u bat  
khlem pyllait.

**Kmie** : Nangiashongkai, Ngan leit shim  
da ka sha. (Ka leit, u Dolan u  
ialam ia ka theirit u pynshong  
ha ka shuki).

**Thei** : Shuh..... pyllait.

**Dolan** : Oh sorry.

**Theirit** : Ka jingkhlem-akor !

**Dolan** : Nga la shoh bieij ia ka dur ba-  
bha briew jongphi ngam kyn-  
maw shuh nga leh aiu. (U tur  
shajan, ka kynran, tur biang ka  
kynran biang, u tur biang ka  
kynran biang, wan ka kmie)(rah  
sha ha ka tray).

**Kmie** : Shim iadih noh, ioh ka daithah.

**Theirit** : (Ka ieng) Ia dih sa phi. Nga....  
...ngam kwah sha.

**Dolan** : To kam lei lei. (Wan u Sha-  
phrang bad u Phyrnai).

Phyrnai : Phi la dep theirit ?

Theirit : Hooïd, ia noh.

Dolan : Oh ! shano phin faleit?

Theirit : Ngin ialeit peitkai.

Kmie : Oh shisha nga klet. (Ka pynithuh)  
ine i dei i Phyrnai (ki ia khublei)  
Une pat dei u khun rangbah  
jongnga u Shaphrang. (ki ia-  
khublei) ine i dei i bah Dolan.  
Phi iohi bah Dolan kine baroh  
laingut ki fadei para khynnah  
skul. Te jait ba lait shuti ki la  
iakut ban leit peitkai.

Dolan : Ka bha.

Shaphrang : Ngila faleit ho mei. Nangshong  
ho bah, (ki ialeit artat)

Dolan : Nga ibishni ia ki por khynnah.  
Ym ju tip ioh naei, bam daei  
Hynrei dap tang ka kmen ka  
sngewbha suda.

Kmie : Hooïd....kaba dei.

Dolan : Haba nga peit ia i theirit nga  
shu shohbiej bad i leit sat ia i ym  
long mo ba ngan dei kiaw noh ia  
phi ?

- Kmie** : Ym long balei? Tangba ap ngan da kylli da khroh shwa ia ka ba kan kohnguh.
- Dolan** : Ka dei. Sa kren kein bad sa iathuh ia nga i ong kumno. Nga te nga da ieid shisha ia i theirit bad ia phi pat, nga shaniah.
- Kmie** : Kumno mo ngan tip ba phi ieit ia ka theirit bad phi shaniah ianga.
- Dolan** : Ka dei. Kane ka pla beg ka don Shiphew hajar tyngka, kum ka dak ba nga shaniah iaphi nga aiti haphi ba phin pynbuh bad kum ka dak ba nga ieid ia i theirit, sa pynthied sopti ia i theirit na kato ka pisa. Lada phi donkam, phi ruh nang pyndonkam bad sa iathuh ianga.
- Kmie** : Ngam lah pei phang.
- Dolan** : Nang pyrkhath ngin sa ia kynduh biang. To ho nga la leit (u leit artat) (Kmie ka theirit ka shong pyrkhath wan kpa u Phyrnai) (ka pla beg ka don halor miej).
- Kpa u Phyrnai** : Kmie i theirit.....
- Kmie** : Oh da i kpa u Phyrnai du.... sha ei kumne?

- Kpa : Nga wan sha phi ban pynshisha  
u Phyrnai noh ia ka jingiaieid jongnga bad  
phi.
- Kmie : Kpa u Phyrnai.....phi kren biria  
palat phi.
- Kpa : Em ngam biria shuh mynta.  
u Phyrnai Hynrei mynta te nga da thmu da  
mut shisha.
- Kmie : Shuh phi....para ba la ia heh khun  
ruh phi shu kren kum uba dang  
shu khoh na ka pylleng.
- Kpa : Ka dei. Hynrei nga uba don tang  
u Phyrnai uwei u khun shynrang, nga hap hi  
ban wad men kmie ba kan su-  
mar ianga namar ym don nongrim  
iangha ha u khun shynrang.
- Kmie : Kata te phi la sngewthuh hi.
- Kpa : Na kylleng ka pyrthei nga la wad  
u Phyrnai hynrei nga la jied iaphi. Ale seh  
wan shong hajan jong nga.
- Kmie : Kpa u Phyrnai wat sngew ei ei,  
u khun jongphi u don jingmut  
bad iaiap mat ia ka Theirit. Kam  
lah ban long ba u kpa ia ka kmie  
bad u khun pat ia ka khun.
- Kpa : Lada ka long kumta, jar uba klois  
u Phyrnai Mynta hi ka miet ngan wanrah

katba nga don bad ngan ai laphi  
bad ngin iapynbna pyrthei noh  
ia la ki jingthmu.

**Kmie** : Ki ktien jongphi ki ktik ianga  
bad nga sngew samla biang.

**Kpa** : Ale seh shong kham hajan (ki da  
**u Phyrnai** iashong lang ha kawei ka suki,  
wan u Dolan, u phong da ka over-  
coat phong tupia deng iit-khmat  
iong. Ynda u la rung hapoh u  
iohi ba ka kmie ka theirit bad u  
Kpa u Phyrnai ki dang ia shong  
u teh da ka jain iong ban da  
ia ka khmat, u sei pistol kren).

**Dolan** : Pha ialeh aiu - (Ki iakyndit baroh  
arngut ki ia ieng kynsan).

**Dolan** : Ieng shatai (u kdew shaphang  
kyndong jngai na ka miej, ki shu  
ia kohnguh beit) Phai dadien (ki  
laphai) (Dolan shim ia ka beg  
u phet, kpa leh shlur u beh)

**Kpa** : Khun ka mentuh (Dolan u siat  
**u Phyrnai** dei ia u kpa, kpa kyllon lynniar)  
Ah...h

**Kmie** : (ka rap ia u kpa. u Phyrnai).

(Khang ka pyrda)

## KA BYNTA KA BASAW

Ha 5 Star Restaurant. U Manager 'bad'u Sah ki ia pynbeit shuki. U Sah u la riam uniform da kaba lieh kum u Bera.

---

Manager : Nga tharai katto ka la biang. Ki briew kiba kwah shongkai kin ia-shong ha kine ki shuki bad ki ba kwah shad pat kin iashad hangne.

Sah : Tharai ka la biang phi Sahep.

Manager : Me dei ban leh donakor bha. Mynta ka sngi ha kane ka 5 Star Restuarant yn pynlong ia ka Jam-seshon bad kan neh haduh ban da shai la shai ka step.

Sah : Ani . . .ni ni . . . Sahep.

Maneger : Balei.

Sah : Phi mut ba mynta ka miet ngin duh thiah duh dem ba wan ialeh sngewbha ki briew ?

Manager : Hooïd keiñ me, mem tip ba kata ruh ka dei ka business ?

Sah : Kata te sahep la iap ! Nang muja mauo nang saja pat mauo.

- Manager** : Shish ka bie! Ha khmat ka pisa ym ju sngewthuh ia ka shitom.
- Sah** : Ka pisa te bher bher sha phi. Nga lei lei ngan ioh aiu.
- Manager** : Wat ju kren kumta! Lada me thait shu ong beit. me lah ban ieh-noh ia kane ka kam.
- Sah** : Em ngam da mut eh haduh katta.
- Manager** : Sngap noh kata, Trei bha ia ka kam. Bun na kine ki wan sha ka Jamseshon dei kiba riewspah. Lada me stet ka ai bam ai dih kin sa ai buskit ia me. Nalor ka bainong men ioh tam sa ka boksish.
- Sah** : Lada ka long kumta . . . ngan rynsied kum u thyllah (wan ar ne lai jur ki briew ba labiang jur kynthei shynrang).
- Manager** : Welcome . . . (u ai jaka shong, u Sah u wanrah jingdih-riew ka jingtem jingerwai wan sa u Shaphrang bad ka kynthei, u Phyrnai bad ka theirit ki ialeh kumjuh).
- Manager** : Ladies and gentlemen. Welcome to the 5 star Restaurant. To night we have arrange to have a Jamse-



shon here and there will be food, drink and Dance the whole night here. Well, enjoy yourself. (ki paidbah ki sdang iashad. Wan u Dolan, u wad paralok ban ia shad, u tyrwa kat ia kaba ia don um ioh. U sdang dih, leh buaid, u tan ia ka theirit-U phyrnai u dom u ai shi kura kyl-lon u Dolan) (Sangeh ka jingtem jingput bad ka shad).

**Phyrnai** : Haba ka briew kam mon, balei me tan da ka bor. (u Dolan u ai lem shikura ia u Phyrnai kyilon u Phyrnai. Ki kynthei ki ialyn-niar-iashoh kulmar--u Sah u iarap ia u Dolan bad u Shaphrang, u iarap ia u Phyrnai. Ki iakhun shiphang, Manager u shim ia ka telephone u phone - wan u Am, u Am bad constable ki put visil, u Dolan u phet).

**Manager** : Uto uba la phet u la sdang ia kane ka jingpynkulmar nga kyrpad ba phin kem ia u bad ba u dei ban siew ia kane ka bailut ksan.

**Am** : Ngin sa iapeit ia kata. Hynrei haba phi pynlong kum kine ki jamesshon phi dei ban kitkhlieh

ba yn ym don kano kano ka jing-  
kulmar.

**Phyrnai** : U buaid palat.

**Am** : Phyrnai, nga i lyngngoh ia me.

**Phyrnai** : Balei mo?.

**Am** : U Kpa jongne u shitom jur ha  
hospital me pat la ka sngewbha  
hangne kyrhai khlem pyrwa ei ei.

**Phyrnai** : Kumno kumta. Haba nga mih na  
iing i pa i khlain i shait bha.

**Am** : Hooïd u khlain u shait bha keïn  
ba u sa poi sha iing ka theirit.  
Hangta la wan u nonglute bad u  
la siat ia u kpa jongme. U don  
mynta ha Hospital bad u la myn-  
saw jur Khie leit kloi sha hospi-  
tal (u Phyrnai bad ka theirit u  
Shaphrang ki ia leit).

**Am** : Nga maham iaphi baroh kiba  
iadon hangne ba phim bít ban  
ialeh kulmar, (u leit artat ka  
jingiashad ka bteng biang.)

(Khang ka pyrda)

## KA BYNTA KA BASAN

Ha iing ka Theirit. La pynkhreh kum ha ka bynta ka balai. Don lypa ka kmie leh lynga.

**Kmie** : Jynjar ynda la heh khun, bun sa ka sah marwei ha iing. Ka pisa ba phah buh u Dolan ruh la shah lute noh, sa u briew ba mut ban iapoi kha u shah siat noh. Ka nu-sib jot aiu eh kum kane. (Wan u Dolan.)

**Dolan** : Kmie i Theirit . . . . . Phi don marwei. Shano ki jong i theirit ?.

**Kmie** : Kim pat iapoi iing. Tip balei mo kipoi slem Katne katne? Bah Dolan nga sngewsih ban ong ba kato ka pisa ba phi phah buh maphi la shah lute.

**Dolan** : (Leh kyndit) Kumno kumta . . . . .

**Kmie** : Tip seh, nga nang iashongkai bad i kpa u Phyrnai shu rung kyndit u briew uba ka khmut ka khmat ruh ym ithuh u da sei da ka pistol u la pynap iangi bad u la rah lut baroh, kumba u da tip tip ba don pisa ha kato ka pla beg. I kpa u Phyrnai i la beh hamar katta ka por uta u dakaaid u la siat ia i bad dei na ka kpoh. Nga la

khot briew ban iarap bad ki  
rah sha Hospital. Ki pulit ki  
dangwad ia uto u dakaid. Te bah  
Dolan sngewbha map . . . . ym  
dei ba nga leh khnang.

Dolan : Map te balei ym map khamtam  
haba yn sa iadei kha dei man. Te  
kumno phi kren ia i theirit?

Kmie : Hooïd,

Dolan : I ong kumno.

Kmie : Ka nangdon jingmut ia u Phyr-  
nai kam da mon eh iaphi.

Dolan : Mynta ba ka la jia kumne kam  
banse ban mon. Lada ka Theirit  
kamtreh ban iapoi kha bad nga  
phin hap siew lut ia ka pisa jong-  
nga ba phi pynjah.

Kmie : Ym dei ba nga pynjah, nga la  
shah lute.

Dolan : Kam pher, phi pynjah ne shah  
lute hanga ka long kumjuh hi.  
Mano ban sakhi ia kata ?

Kmie : Lada kam mynjur ? .

Dolan : Ka dei ban mynjur beit, lynda  
kumta phin hap siew lut baroh  
ka pisa jongnga.

- Kmie** : Ka jingeh ka long íoh kam kohnguh.
- Dolan** : Ka dei ban kohnguh beit. Phi ka kmie phi dei ban pynkohnguh iaka da ka bor. Lada phim pat lah kata, phim dei ka kmie bakha iaka. La shibit ka miet hi ngan wan hiar iapoikha noh bad ka Theirit. Phin pykhreh beit. (U sei pisa) Shim kane kane sanspah tyngka ba phin leit siew leit tda Thied syiar bad ka Brandy ba ngin iadih sngewbha. Khublei ho ! Nga la leit. (Leit artad)
- Kmie** † (Ka shu íeng kum ka beij ka peít ia ki pisa, ka shong ha ka shuki) (shiphang) (íeng kren dom) Ynda wan ka Theirit ngan pynkohnguh beit da ka bor ! Lym kumta naei ngan íoh jin shiphew hajar tyngka ban siew ia u Dolan ?
- (Wan u Shaphrang bad Theirit).
- Theirit** † Mei. Ngi dang shu iawan na Hospital.
- Shaphrang** : Isynei ia u Phyrnai u bapli.
- Kmie** : U long kumno u kpa Phyrnai. U la tip briew ?

**Shaphrang** : Um pat da tip briew bha. I Doktor te i ong ym lei lei.

**Kmie** : Ki Doktor te beroh kumta hi, wat ynda iap u briew ruh ki ong hi ym lei lei.

**Shaphrang** : Mei ngan leit fashong shnngaiñ lem bad u Phyrnai sha Hospital mo ?

**Theirit** : Nga ruh ngan leit mo mei shiphang. I mat sa wan on noh i Shaphrang ynda la kham katto katne por.

**Kmie** : Ka kynthei briew aiu kaba shang miet shimeit shimiet, jeh un leit tang u Shaphrang la biang

**Theirit** : Tang shiphang nga la wan te mei.

**Kmie** : Nga ong em! Khie Shaphrang leit noh ba la miet. (Shaphrang u leit) (Theirit ka shong ka iam) (ka kmie ka khroh).

**Kmie** : Theirit . . . .sa leit la shai baroh kein khun. Ka sa phet shano kata ka Hospital. Phin dih noh da ka sha khun. (Theirit ka leh dom).

**Theirit** : Shuh ! ngam kwah sha!

**Kmie** : Peit theirit. . . .nga ka kmie nga kwah tang ia ka jingbha jongphi.

La shai la shisngi ynda phi la shim  
ia ka jinglongkmie phin sa sngew-  
thuh katno nga ieid iaphi. kham-  
tam lei lei ba phi dei ka khun kyn-  
thei ba marwei jongnga.

**Theirit** : Map mei ba nga la shu kum dom  
khlem sngewtluh. (Ki iapiam)  
(kmie leh ieid syrpud syrpaia u  
shniuh).

**Kmie** : Theirit..... tang maphi shisha te  
khun phi ju pynhun pynkmen ia  
nga borabor. Mynta knun baieid  
eh da pynhun ia nga sa shisien  
bad sa tang mynta shisien.

**Theirit** : Balei mei phi kren kumta?.

**Kmie** : Hoooid ... lada phin kohnguh ianga  
sa mynta shisien, ba ngan da shu  
iap noh ruh nga la hun la suk ar-  
tat.

**Theirit** : Ka kam aiu mei kaba da haduh  
katta katta eh?.

**Kmie** : Kata ka kam te khun ka long ka  
ba da donkam palat. Nga kwah ba  
phin lait na u slap ka lyer' nga  
nga kwah ba phin long ka thei don  
spah thei donburom don nam. Te  
phi dei ban ia poikha poiman bad

u kynja rangbah ba don la ka kamai kajih.

**Theirit** : Ka dei mei. Nga ruh nga la iadon jingmut bad u Phyrnai. U dei na ka iing riwspah iing donburom.

**Kmie** : Em phi bakla shibun eh khun. U Phyrnai dei u tang u khynnah skul bym pat don kamai kajih ei ei. Ka spah ka hajar dei lut ka jong u kpa jongu. Phi tharai un shu ai ei ia u ba un rah sha iing ka kha ka man?. Em .... da lei lei ruh em. Shuh shuh nalar kata u kpa u Phyrnai u dang kwah meinah ba ym lah shannah ha u khuu shynrang. Dei tang uta uba la don la ka kamai kajih lajong u bym donkam ap na la ki kmie ki kpa, uta keiñ u la khraw ka tyrpeng ban kit ban bah ia phi.

**Theirit** : Ngam ithuh iano iano lait na u Phyrnai bad lada u long kumno ruh kam pher.

**Kmie** : Theirit phi dei ban kohnguh ia nga khnang ba phiñ suk. U Dolan (Theirit leh kyndit) dei uba nga la jied janai na ka bynta jong phi. Nalar ba u biang ka dur ka rynieng bad ka ikhaiñ rangbah bha, u biang ruh ka spah ka hajar.



- Theirit**            Em mei ngam mon satia ia u.
- Kmie**            : Pha nuon pham mon ngam tip.  
                      pha dei ban kohnguh beit. Mynta  
                      hi ka miet phan iapoikha noh bad  
                      u Dolan.....
- Theirit**            : Mei ! Ngam treh ! Ngam mon!.
- Kmie**            : Theirit ! nga pat nga da i mon,  
                      pyrsa kurim palat ia u Dolan.
- Theirit**            : Lada phi la imon eh katta katta  
                      balei phim iashong noh bad phi.  
                      (Kmie dom ai shithap)
- Kmie**            : Pha la nud sat ban kren kat kita  
                      ki ktien ia la ka kmie ba dapun  
                      dakha.
- Theirit**            : Shu pyrkhat seh mei kumno ngan,  
                      iapoikha bad uba ngam don jing-  
                      ieid ne don mon ?.
- Kmie**            : Phan sa ieid hadien.
- Theirit**            : Ngam treh. Lada phi pynbor. . . .  
                      ngan phet na iing. (kmie pyrkhat  
                      shiphang - nangta ka khroh)
- Kmie**            : Theirit. . . ka badei khun ka jing-  
                      ong jongphi.... Hynrei sngap khun  
                      ngan iathuh lut ia ka sdang ka  
                      kut bad sa khan sa bishar hi.

Ha kato ka por ba u u Dolan wan hangne, u tang shu peit ia phi u la shohbiej bad u la tyrwa ialade ba un iapoikha bad phi. U da buh Shiphew hajar tyngka kum ka boina. Hynrei katba ngi dang iashong kai bad i kpa u Phyrnai la wan u nonglute, u la siat ia i kpa u Phyrnai bad rah lut baroh Shiphew hajar Nga la iathuh ha u Dolan u pat u dawa ba phi dei ban iapoikha bad u mynta hi ka miet lynda kumta ngan hap siew ia ka pisa baroh Shiphew hajar sngew synei kein khun ia la ka kmie. Lada phim kohnguh naei ngan ioh jin Shiphew hajar tyngka sa tang ba ngan leit nohiap noh.

**Theirit** : Ai por ia nga ngan pyrkhat.

**Kmie** : Hooïd . . . da pyrkhat bha keiñ khun. Ngan khreh ja noh mo . . . (ka leit artat).

**Theirit** : Kat kane ka sohsat la suk ba ngan shu phet noh na iing. Ai kan jia katba ka jia. (ka leit artat).

**Kmie** : (Na iing shetja — na shabar) Theirit . . . Ale bamja noh khun. Theirit . . . Theirit . . . (ka rung shapoh) Theirit ! Aae shaei kumne.

Tharai ka don ha kamra thiah —  
shuh ngan leit peit (ka leit, shi-  
phang ka wan biang) kam don.  
Theirit . . . Theirit . . . (Wan u  
Dolan.

Dolan : Kumno la iakhreh.

Kmie : Oh, phi la da wan. Ngi la ia khreh.

Dolan : Shano i Theirit ?.

Kmie : I dang sum . . . shong . . . shong seh  
ngin da iabam iadih shwa.

Dolan : Ka dei. Dang katta yn kyrkieh  
lei. (u shong) (kmie ka leit. Ka  
wanrah ka klat, ka Brandy bad ka  
doh. U Dolan u dih)

Ka sur : Kat kane ka jynjar yn leh shuh sa  
kumno. Ngam banse ban kheif-  
duh syndon ia la ka met. Ynda u  
la buaid un leit tip shuh shano,  
dei ka kmie ne ka khun. Ngan  
pyndih shwa ha ban da biang.

Dolan : Khie seh leit peit i la dep sum ne  
em (kmie ka leit, shiphang ka  
wan)

Kmie : I la dep.

Dolan : Te balej im wan shan ?



- Kmie** : I dang syaid ding ba khriat bad  
ba un rkhiang u shñiuh.
- Dolan** : Khie ong ba ynda i la syaid bad  
rkhiang u shñiuh in wan shane.  
(kmie ka leit, shiphang ka wan  
biang)
- Kmie** : I Theirit i ong ba i lehraiñ. I ong  
ba in sa iakynduh iaphi ha kamra  
thiah.
- Dolan** : (La shongshit) i ong kumta. To . .  
to . . .
- Kmie** : Dih, dih shuh seh ban khamshit ka  
met, (Ka pynteh, u dih)
- Dolan** : (la buaid) Theirit . . . Darling . . .  
(u peit ia ka kmie, um ithuh shuh)  
Phi dei i Theirit ym dei. Ale seh  
. . . come here darling.
- Ka Sur** : Imat um ithuh shuh ianga, ka la  
shoh ka kiad bad la buaid bha.
- Dolan** : Ale seh baiid (u mut ban ieng um  
iah, la buaid palat) Theirit balei  
phi shu ieng hangto. Ale wan  
hangne.
- Ka Sur** : Imat u mut ba nga dei ka Theirit.  
Hangne te la iadei. Ngan kheñ-  
duh syndon ia la ka met.

Kmie ; (Ka leit sha u Dolan ka shim na  
 ka kti ka ialam. Dolan u shu bud  
 beit la buaid — u da kdup artat  
 ia ka kmie).

( Khang Ka Pyrda,

## KA BYNTA KA BAHYNRIEW

Ka Hospital Waiting Room. Don lypa u Shaphrang bad u Phyrnai, ki leh bun jingpyrkhat ia iaïd sharum shaneng. Wan ka Dr. Ap-sara phong coat lieh, deng ia u jri examin. U Shaphrang bad u Phyrnai ki ia tur shajan ka doktor.

-----

**Phyrnai** : Kumno i long?.

**Doktor** : I dang iohthiah mynta. Ngi la ai drip. Phi dei ban ap hajan bad lada jia ba i kyndit ne ka Drip kam iaïd ong ia ki sister ban khot ia nga.

**Phyrnai** : To Doktor nga la sngewthuh (Ka ka mut ban leit noh) Doktor....

**Doktor** : Sa kaei pat?.

**Phyrnai** : Don jingkyrmen ba i pa in koit?.

**Doktor** : Ia kata te ngam lah ban bahkhlieh. Lada i donbok in koit. Khie ia leit noh wat iehnoh marwei. (Ki ia leit wan u Am).

**Am** : (La riam Inspector of Police) Oh da i hep. Phi dei on duty mynta ka miet?.

- Doktor : Hooïd Bahdeng. Kumno ka long ka Investigation?.
- Am : Ym ia poi shano shano ruh. Ka kmie ka Theirit kam ithuh ia u briew u ba leh ia kane ka kam namar u la kah ialade da ka jain-iong. Nga lah ban iakren bad u kpa u Phyrnai?.
- Doktor : Em, um pat tip briew bad ha ka jingpeit jongnga ym i don jingkyrmen. Ngan sa phah ia ka medical report hadien.
- Am : Kane ka dei kawei ka case kaba eh shibun ban solve. Hynrei hāpdeng jongnga bad phi shipara nga suba ia i Bah.
- Doktor : Hooïd .. i bapli i bah im lah shnh ban phai dien na ki kam tuh kam lute, (ka iam). Nga sngewjah burom bad sngewsih sat te Bahdeng.
- Am : Yn leh kumno. Lada nga don ka jingpynshisha ka babiang ngam banse ban kem ia i Bah.
- Doktor : Bad kan jia aju mo ia i Bah?.
- Am : Ngam tip.

**Dortor** : Phim lah mo ban iarap ia i Bah.?

**Am** : Em ngam lah.

**Doktor** : Pyrkhat seh Bahdeng, i bah i dei  
iba ngi la ia mih na kajuh ka  
kpoh, iabuin kawei ka jymbuin  
bad ia im iasah ryngkat. Kawei  
ka doh kawei ka snam. Haba i  
pa bad i mei kim don shuh dei i  
bah iba la bsa la buh skul haduh  
ba ngan da poi ha kane ka kyrdan.

**Am** : (Am leh dom) Hep ! I bah i la leh-  
bha iaphi, hynrei i leh sniew ia ka  
jaitbynriew da ki kam dakaid kam  
be-aifñ jongi. Katba nga dang  
phong ia kine ki jaiñ Pulit ngam  
lah ban iarap iano iano ruh !.

**Doctor** : Badeng. phim feid ianga, ka para  
jongphi.

**Am** : Nga feid ia phi hep, bad nga  
sngewsarong ba nga don ka para  
kaba ka akor ka burom bad ka  
kyrdan kaba ym ju kham lah ban  
don.

**Doctor** : Lada phi feid ia nga....sngewbha ia-  
rap ia i bah.

**Am** : Lada i bah i dei uta u Nonglute ba  
la siat ia u kpa u Phyrnai, ngan



kem bad tian bishar ia i kat kum  
ka aiñ.

Doctor : Hynrei nga tip ba ym dei i bah iba  
leh ia kane ka kam.

Am : Kumno phi tip? I bah i don ka  
record ka basniew bha ha Thanat.  
Baroh ki kam klumar la suba ba  
dei ma i, i baleh tangba, shitom  
ban pynshisha namar i shalak pa-  
lak. Wat la katta ruh shano in  
khih ?.

Doctor : Phi da shun bha ym dei ia i bah ?.

Am : Kum ia la u hynmen nga ieid nga  
burom. la u dakaaid pat nga isih.  
Ngam shym wan hangne ban ia-  
kren kam iing kam sem, nga wan  
ban iakren bad i kpa u Phyrnai.  
Lah em doctor ban iakren ia u.

Doctor : Tang 5 minit Inspector. Lada um  
pat kyndit bynriew, phim bit ban  
pynktih ne thlia ia u.  
(Wan u Shaphrang)

Shaphrang : Doctor, ka Drip ka khlem ia id  
shuh.

Doctor : Kumno kumta. Ia.... (Ki ialeit ba-  
roh, Shiphang iohsngew ka sur  
iam u Phyrnai)

**Phyrnai** : Pa....pa.. kren seh pa....pa....balei  
 te pa phim kren ianga. Pa.. (u  
 iam). (Wan ka Theirit ka mut ban  
 leit rung ia kynduh ia ka Doctor  
 ha jingkhang)

**Doctor** : Kam myntoi shuh. U kpa u Phyr-  
 nai um don shuh. Ka Theirit ka  
 iam).

(Khang ka Pyrda)

## KA BYNTA BAHYNNIEW

Ha ing ka Theirit. La khreh kum ha ka bynta ka basan. Don lypa u Dolan u phong tang ka soptipoh. khlem deng tai, u shñ:uh khlem sad, u dang shu dep khie thiah. Ka kmie ka wanrah ia ka snad bad ka jit. Dolan u shim u phong u sad, u teh ksai juti. Ka kmie ka wanrah sha.

---

Dolan : Kumno kumto, nga khlem sngewthuh sngewthaw. Nga nangthmu ia ka khun iakynduh pynban ia ka kmie.

Kmie : Phi keiñ. Nga lei lei ka riew kynthei ngan leh shuh kumno.  
ka Theirit

Dolan : To . . . ka mat iadep shato.

Kmie : Nga te nga ong ba ngam dei keiñ  
ka Theirit ka ricwkai ba yn shu iadep shato. Hynrei shisien ba ngi la iadei shitnga phin shong phin sah ryngkat bad ia ki khun jong nga phin kheñ kum la ki khun lajong ne phi ong kumno.

Dolan : Oh ! kata ka ba dei than eh keiñ. Sa iathuh sa kren maphi ha ki khun ba ki ruh kin tip, kin ieid bad burom ia nga kum ia la u kpa.

**Kmie Theirit : To.**

**Dolan** : Khie leit shim ka coat ba ngan leit peit jingtrei. (Kmie ka leit. Dolan u thang sikret, ynda ka la wan ka pynphong ia ka coat). Te ngan leit shwa ho . . . (u doh ia ka shwa ba un leit, Nangta wan rung u Am)

**Am** : Map ia nga.

**Dolan** : Oh ! da i Bahdeng ! Shong shong seh,

**Am** : Nga wan hangne kum u Police Officer ban pyndep la ka kam. Phi tip u kpa u Phyrnai u la iap mynhynne ka miet bad mynta ngin hap tohkit bniah ban iohkem ia u nongpyniap. Jait ba kane ka jingjia ka la jia hangne, yn sdang biang ia ka jingtohkit jong nga nangne. Te kmie i theirit iathuh lut ka la jia kumno ?

**Kmie ka Theirit** : Katba nga bad i kpa u Phyrnai ngi dang iashongkai hangne, ha kane hi ka kamra la rung uwei u briew.

**Am** : Ap khyndiat (u thoh). Batai bniah mo. U riam kumno uto u briew.

**Kmie ka Theirit** : U phong da ka overcoat, u phong tupia, u deng ki lit khmat-iong

bad u teh ia ka shyntur haduh  
 hargne (ka pyni ba la teh haduh  
 jan k1 khmat) kumto (ka leh da ka  
 rumar) da ka jaiñiong, u sei la ka  
 pistol bad u ong iangi" wat khih-  
 ieng shatai" ngi pat kumba shoh  
 tyndep ngi shu kohnguh, u shim ia  
 ka pla beg ba don shiphew hajar  
 tyngka ha ka miej bad u phet. I  
 kpa u Phyrnai i beh bad u la siat  
 ia i dei na ka kpoh ne kumno.  
 Nga sa pyrta briew bad rah sha  
 Hospital. Tang katta nga tip.  
 Tharai la biang ?

Am : Em kam pat biang. Ka rynieng  
 jong uta u briew — tharai kat ka  
 jong i bah ne kumno ?

Kmie Theirit ; Hooïd.

Am : Ka sur ka iasyriem ne em bad ka  
 jong i bah ?

Dolan : Phi mut aiu haba phi ong kumta ?

Am : Nga kylli ia i kmie ka Theirit ym  
 ia phi. Sngewbha wat pynwit.

Dolan : Haba kumta nga ngan leit noh  
 shwa (u mut ban leit)

Am : Ap shwa wat pat leit ia phi ruh  
 ngan sa donkam hadien. (Katba u

Am bad ka kmie kí dang iakren, wan u Sah, u shu ieng ha jing-khang, u Dolan u ran da dien suki suki, u sei ia ka pistol, u ai ha u Sah. U Sah u phet shabar). To iathuh hok kmie i Theirit. Ka sur ktien ka iasyriem ne em bad ka jong í bah ?

Kmie : Ngam tip.

Am : Ka jongno kata ka pla beg ba don shiphew hajar tyngka ?

Kmie : Ka jong í Bah Dolan.

Am : I bah ruh í don lang ha ka por ba shah lute ?

Kmie : Em.

Dolan : Sngewbha sngap seh ngan batai ma nga. Phi dei ban tip ba nga bad í kmie ka Theirit ngi iadei shitnga.

Am : U kpa u Phyrnai pat um tip ia kata, u mut ban wan ia pasiaw samla ia í kmie ka Theirit. Nangta phi wanlap ma phi. Phi pat phi kiew jingdom phi siat ia u. Ka kmie ka Theirit ban da ia la u tnga ka ong ba dei u nonglute. Kren ia ka hok, ym dei kumta ?

**Kmie** : Em ! kam dei kumta.

**Am** : Bah ngan kem ia phi. Haei ka don  
ka pistol ba phi siat ia u kpa u  
Phyrnai ? !. Sei kloï bad ai hanga.

**Dolan** : Talasi ianga! Talasi ia kane ka  
iing lada phi lap leh ianga katba  
shong ka aiñ. Nga ngam ju don  
pistol mynno mynno ruh.

**Am** : Wat kren pynbiej ianga.

**Dolan** : Sa kawei ngan ong iaphi, haba  
phi mut kem ianga kum u nong-  
pyniap ia u kpa u Phyrnai da pyn-  
shisha shwa ban kem.

**Am** : Shaei phi don haba jia kane ka  
jingjia ha iing ka tnga jongphi ?

**Dolan** : Nga don ha 5 Resruarant. U  
Phyrnai, ka Theirit, u Sah ki lah  
ban sakhi ia kata. Ha ka por ba  
ia kulmar, nga la phet

**Am** : Kat kum ki record ha thanat, u  
Dolan u dei u High Class and  
Dangerous Gunda uba sianti bad  
shalak. Hynrei ngin sa iapeitkaï  
katmo phi shalak. Haei phi buh  
ka pistol ? Kren ia ka hok.

- Dolan** : Ngam ju don pistol mynno mynno ruh. Nga la kren shai tharai ia kata. Talasi ianga, talasi ia ka ling, lada phi lap kem ianga.
- Am** : Ngin sa iapeit.... (u leit noh artat).
- Dolan** : (u leitpeit shaduh jingkhang) Phuit.. ka pulit. Men leh aiu ma-me ianga. Ngan leit shwa ho ieid (doh biang ia ka kmie u leit artat)
- Kmie** : Haba pyrkhat ia kaba la jia ia u Kpa u Phyrnai sngewtriem sngewtieng ban shoang ban sah hangne marwei. Haba pyrkhat pat ia u Dolan.... sngewshngain. sngewsamla. Ni sngewsmiej (wan u Shaphrang bad ka Theirit).
- Shaphrang** : I mei jongngi te i la lammir phi Theirit. I shu kren marwei marwei.
- Kmie** : Haba me ia ieh ia nga marwei ka Theirit marwei, badno ngan iakren.
- Theirit** : Mei i Kpa u Phyrnai im don shuh.
- Shaphrang** : Ngin ia leit on tep mo mei.
- Kmie** : Hooiid ia leit... tangba ialeit iawan dang shai dang bar
- Theirit** : Ia ia leit lang kein mei.



**Kmie** : Nang ialeit maphi, ngan hap ap  
ia i kpa. (ki ia kyndit).

**Shaphrang** : Phi ong i ei mei ?

**Kmie** : I kpa. La shai ? (ki shu iasngap).  
Theirit bad mame Shaphrang. Nga  
bad u Dolan ngi la iapoi kha myn-  
ne mynmiet. Naduh mynta men  
ialeit, burom bad kohnguh ia u  
Dolan kum iala u jong u kpa  
phi iasngewthuh.

**Shaphrang** : Ka shai lumba shai ka sngi mei.  
Hynrei i pa te la i pa bad u pa-  
nah la u panah. Kam lah ban  
long kumjuh.

**Kmie** : Ka dei khun, ka dei. (Khroh) Phi  
la iathait ym dei khun ? Ngan leit  
shim noh da ka sha phin iadih ?

**Theirit** : Kein noh phi mei.

**Kmie** : Khie Theirit leit khreh da ka dud  
ia i bah bah. (Ka lehieid ia u Sh-  
phrang) (Theirit ka leit ka sa wan-  
rah dud).

**Shaphrang** : Mei...

**Kmie** : Balei bah bah. (Wan ka Theirit).

**Theirit** : Heh bah bah dih noh ba dang  
khluit.

**Kmie** : Hooïd dih khun dih.. khie Theirit leit shet jingtah noh maphi mynta shisjen. Shet sdieh kylla da kato ka doh syiar bad u phan sa phon syrwa da ka dohsniang.

**Theirit** : phi ioh dohsyiar dohsniang na ei mei ?

**Kmie** : I wan theid i kpa keiñ khun. Khie leh kloï bala sngewthngan. (Theirit ka leit).

**Shaphrang** : Mei....

**Kmie** : Kaei bah bah ?

**Shaphrang** : Mei ngam lah pyrkhath shuh kum-no phi shu klet noh ia i pa. (u shong u iam).

**Kmie** : Nga ruh nga khlem poi pyrkhath te khun. (ka khroh) sngap wat iam. Dei ka jingbakla jongphi kein khun ba phi shu ia ieh ianga marwei marwei. Lada mon u rangbah briew yn lah iashan shano nga ka riew kynthei.

**Shaphrang** : (u shaphrang u ieng) Lada dei da uwei uwei te yn lei... Hynrei u Dolan te mei dei u Gunda batriem tam. Un wanrah tang ka jingjot ia ka iing ka sem jongngi.

**Kmic** : Lada u jew ne u thiang shaei shuh  
ngan bret u dei u tnga jongnga  
bad kaba sah mynta ka long ba  
phin iakheĩĩ ia u kum la u jong u  
kpa. Klet noh ia uba la iap, ieid  
noh ia une uba dang im.

**Shaphrang** : Kumno mei ngi lah ban klet ia i  
pa ? Kam long kaba suk.

**Kmie** : Ia uba la iap ladep. Wat lada phi  
kynmaw ruh um lah thaw pyrthei  
ei ei shuh ? Une uba dangim keĩĩ  
un bteng ia ka kam uba la iap.

**Shaphrang** : Ka bym lah long te mei. Da lei lei  
ngam lah ban pdiang ia u kum la  
u kpa.

**Kmie** : (Dom) Nga la ngiah ia me ! Me  
dei ban kohnguh beit lynda kum-  
ta . mih noh nangne.

**Shaphrang** : Phi la bie j ne mei ?.... shano ngan  
leit. Hato phin beh ianga ka snam  
phin ai jaka pat ia ka ksuid ! Em!  
ngam lah ngeit ba phin shu kylla  
haduh katne katne.

**Kmie** : Shaphrang ! me la nang palat  
mame. Lada mem lah ban pdiang  
ia u Dolan kum la u kpa.... mih  
noh nangne.

**Shaphrang** : Ngan mih. Hynrei ai noh ka bynta ba buh i pa na ka bynta jongnga.

**Kmie** : Khie leit pan na u kpa jongme na jingtep ! Wat ju wan thlia ianga kum ia kita ki jait kam. Ngam tip ! (wan u Dolan).

**Shaphrang** : Mei ! Katne phi long phi man dei lut ka jingtrei bad ka umsyep i pa. Mynta pat phi klet ia i pa bad phi phah kam kpa ia une u panah.

**Kmie** : Nga la ong iame. klet noh ia uba la iap bad kynmaw noh ia une uba dangim.

**Shaphrang** : Ngam lah te mei....

**Kmie** : Haba mem lah , mih noh na kane ka iing !

**Dolan** : Kaei kaba phi ia bun ktien katne katne ? U Shaphrang u kren ia kaba dei ym ju lah ban set lang artylli ki masi kyrtong ha kajuha ka sem, namar kin iatur baduh ban da pra lut sa ka sem. Kren maphi kmie ...Lah ba mih manga ne lah ba mih noh u Shaphrang.... rai maphi.

- Kmie** : Ai un mih noh u shaphrang.
- Dolan** : Me la iohsngew ? Mih te mih kloi. Lymda kumta (u sei pistol) Ngan pynmih iame da ka bor.
- Shaphrang** : Ngan mih. Balei ngan shong hangne ? Kam dei shuh ka iing jongnga (Dolan u thep noh ia ka pistol) (u Shaphrang u rung sha kamra thiah, u wan rah ia ka suit-case).
- Dolan** : Kaei kato me rah ?
- Shaphrang** : Ki jaiñ.
- Dolan** : (U sei pistol biang) Buh ! lyngkhuid la kha ia me ha kane ka iing bad lyngkhuid men mih. Iaid kloi ! (u Shaphrang u mih, Dolan u thep ia ka pistol, u tur sha ka kmie u kdup) katto shwa la kham sngew laitluid ym dei ?
- Kmie** : (ka shu sngap).
- ( Khang ka pyrda )

# KA BYNTA KABA PHRA

Ka lynti bah. Don ki briew kiba ialeit iawan. Wan u Phyrnai bad u Shaphrang.

— — —

Phyrnai : Balei mo phi iajah, phi khlem iawan on tep ia i pa

Shaphrang : Phyrnai lok ba nga feid lok ba nga shanjah. Ngan phla bad iathuh lut ha phi. Tang shu iakhlad bad phi nga la leit beit beit sha iing. Ha iing, i mei i la iathuh ba i la ioh panah da u Dolan. (Phyrnai kyndit).

Phyrnai : U Dolan

Shaphrang : Hooïd, i mei kwah ia nga ban kam kpa ia u. Haba ngam treh ki la iabeh ianga na iing. Nga la iania khyndiat, u Dolan pat u sei da ka pistol bad pynbor ianga ban mih na iing.

Phyrnai : Kata ka mut ba u Dolan u don pistol.

Shaphrang : Hooïd u don (Wan u Am)

Am : Kumno ?

- Phyrnai : Ngi dang iakren shaphang kaei  
kaba la jia ia u Shaphrang.
- Am : Balei, la jia aiu ?
- Phyrnai : U Dolan u la iapoikha bad ka  
kmie jong u bad mynta u la iabeh  
ia u Shaphrang na ing. U da sei  
pistol.
- Am : U sei aiu phi ong ?
- Shaphrang : Hooïd keiñ, u la pynbor ianga ban  
mih lyngkhuid na iing da ka pistol.
- Phyrnai : Inspector badonburom. Nga suba  
ba dei u Dolan uba siat ia i pa.  
Phi pat namar ba phi ia dei shi-  
para phi iarap ia u . . . .
- Shaphrang : Hooïd ka dei thik kata. Phi ai lad  
ia une u Dakaïd ban leh katba u  
mon.
- Am : Sngewbha sngap ngan batai. Ym  
dei ban kren laplah kumta.
- Phyrnai : Ngi la ngiah ia ki ktien pynbieij  
jong phi bad . . . . .
- Am : Sngap ! Shwa (ki iakyndit ia sngap)  
wat ju kynnoh iano iano khlem da  
tip ia ka jingshisha. Shwa ba ngan  
kem iano iano nga donkam ki

sakhi — (1) da ki tiar (2) ki briew  
 ba iohi. Na ka liang i pa jong phi  
 ym don ba sakhi ban pynshisha ba  
 dei ma u, na ka liang ki tiar . . . .  
 nga la pyrshang ban kem, hynrei  
 ngam lap ne ioh ia ka pistol. Ka  
 por kan poi ba ngan sa ioh. Hyn-  
 rei ! kynmaw ! ka aiñ kam ju tip  
 ju kheñ bynmen, para, kur, kmie  
 ne kpa. Shisien ba la leh be-ain  
 dei beit ban leh kat kum ka aiñ.  
 Nga kum u Officer jong ka Aiñ  
 katba nga dang phong ia kine ki  
 uniform ngam bit ban leh da kum-  
 wei pat. Phi la iasngewthuh ?

**Phyrnai** : Map Bah Am ngi la kum kren ba-  
 kla.

**Am** : Mynta, phi dei ban iarap iangi ka  
 aiñ ban kem ia ki nongleh be-aiñ.  
 Phi Shaphrang leit phai biang sha  
 la iing. Leh mynleh kumba phi  
 la sngewsih ia kaba phi la bakla.  
 Pyniadei paralok bad u Dclan bad  
 peit bniah ia ki kam jong u. Sa  
 iathuh ia nga. Da ka jingiatrei  
 lang ngin jop.

**Shaphrang** : Ngin sa pyrshang.

**Am** : Ngin jop khlem pep (ki ia kynjut  
 kti ia khublei) (Ki iakhlad noh)  
 (Wan u Sah bad ka Apsara).



**Sah** : Ka long kaba shisha te hep. U  
Bahdeng Am jait ba u la long heh  
ha ka kam pulit um ju kheĩñ  
briew shuh ia ngi. Ia i bah lei lei  
u da shun bha.

**Apsara** : Shuh phi bah Duh. Shu da katta  
katta eh phi ong.

**Sah** : Wa . . . . phim ngeit. Dang shen  
u leit sha iing i kmie ka theirit u  
da mut ban kem ia i bah. u la  
thmu ban talasi ia ia i bah bad la-  
da u ioh ia ka pistol, la dep ia i bah.  
Donbok ba nga poi manga badi la  
shu ai hanga bad lajt da ka said.

**Apsara** : Lada ka long kumno kumno tuh  
ngi baroh laingut ngin ia long ka-  
wei. Ieh u Bah Deng Am u mat leh  
katba u mon.

**Sah** : Nga sngewkwah ban leit iakynduh  
biang ia i bah ban maham ba in  
leh sian bha.

**Apsara** : Hooid keiñ. Nga ruh kajuh.

**Sah** : Ia ngin faleit lang.

(Ki faleit artat)

(Khang ka pyrda)

# KA BYNTA KA BA KHYNDAI

Ha iing ka Theirit. Ka jingpynkhreh ia ka kamra ka long hi kumjuh kum ha ka bynta kaba hynniew. Don u Dolan u dih kiad. Shong ha ka shuki. Wan ka kmie.

— — — —

- Kmie : Kpa...-Ale bam noh ba dang khluit
- Dolan : Ka Theirit haei ka don ?.
- Kmie : Ka don.
- Dolan : Nga donkam ban lakren bad ka.
- Kmie : To sa lakren la shibit baroh keiñ. Ale... ngin iabam noh shwa.
- Dalan : Ia...kata (Ki faleit shiphang wan ka Theirit ka rah kot khubor, ka shong ha shuki ka pule. Wan u Dolan u peit ia ka Theirit).
- Dolan : Theirit... (u leit na shadien u mut ban bat ha ka shuki. Ka Theirit ka ieng) ieid noh seh ia-nga.
- Theirit : Balel pakhyannah phi kren beij kumta?. In ong kumno i mei ?
- Dolan : In ong aju ka?. Hakhmat i mei jong phi bad ha ka pyrthei dei u

panah bad ka khunruid. Hanga bad phi pat dei u baieid bad i baieid, ne phi ong kumno (u tur shaka, ka theirit ka kynran).

**Theirit** : Ngam ju poi pyrkhat ba phin don kum kane ka jingmut.

**Dolan** : Ha ka jingshisha, nga lei lei nga thmu nga mut ia phi te ieid. Dei ka kmie jong phi kaba la shet ia-nga.

**Theirit** : Nga la kheiñ ia phi kum la u kpa. . . . phim bit da lei lei ban don kum kine ki jingmut.

**Dolan** : Ymdon kam ban iabun ktien. Pha dei ban ieid noh ia nga.  
(u kynrup biang, ka lait sa shisien u ioh u bat da ka bor u mut ban doh ka iakhieh wan lap ka kmie).

**Kmie** : Balei kumne ?

**Dolan** : Wat jam mapha. Mynta ka sngi kan urlong ka jingkwah jong nga (u pyllait) Theirit ioh phim tip. Nga la siew iapha da ka dor. Pha dei ka jongnga, ngan leh iaphá katba nga mon.

**Theirit** : Meil dei shisha kumta ?

- Kmie** : Hooïd khun (ka iam)
- Theirit** : Mei phi die ia nga ha u ne u da-  
kaid kumba die ia ka blang ka ma  
si- Phi khein ia la ka khun kum  
ka mrad? Nigm treh (ka mut  
phet . . . .)
- Dolan** ; (Kynrup bat) Pha dei ka jong-  
nga (ka Theirit ka iakhih, wan u  
Shaphrang)
- Shaphrang** : Pyllait ! Nga ong pyllait ! (Dolan  
u pyllait) Nga nangmut ban kam  
kpa ia phi pleng phi dei pynban  
da u seiñpuh. Mei ! phi la shet ia-  
la ka iing. U panah te mei um ju  
khein ia ka khun kaba u khlem da  
kha.
- Dolan** : Me wan batai stad aju mame.  
Mih nangne (u sei ka pistol) mih  
te mih kloï. (Ka kmie ka tur sha  
u Shaphrang).
- Shaphrang** : Ngam tieng. Suk ka iap hangne  
ban ia ka bamih nangne
- Dolan** : Mem mih ?
- Shaphrang** : Ngam mih .
- Dolan** : (u siat, ka kmie ka ñiat ia u Sha-  
phrang, u kuli dei ia ka kmie,

kmie kyllon - Theirit ka rap ia ka kmie Dolan lyngngoh-Shaphrang rynsied sha u Dolan u kura hap ka pistol, ki ia lympat ha madan ki ia ieng iakura. U Dolan u kura ia u Shaphrang, Shaphrang u kyllon khyllie, kura biang, ka kmie ka par sha ba don ka pistol ka la mih snam, ka ioh ia ka pistol ka siat ia u Dolan, kyllon u Dolan . . . (u Shaphrang u khyllie ia ka kmie).

Shaphrang : Khie Theirit leit khot pulit kloi  
(ka Theirit ka leit)

Kmie : Shaphrang . . . map . . . map . . .  
khun . . . ngam sngew don pyrthei  
shuh . . . (wan poi u Am bad kat-  
to katne ki pulit)

Am : Wow ko mei ! Balei katne katne ?  
(u peit ia u Dolan) u la iap. (u  
peit ia ka kmie) Kmie i Theirit  
fathuh ha nga mano ba la siat  
ia phi.

Kmie : U Dolan . . . Nga . . . siat . . . ma  
. . . nga ia u Dolan . . . Shaphrang  
khun . . . Ani . . . (ka iap . . . wan  
u Sah, ka Apsara, bad ka Theirit  
ki ialum ha ka metiap ki ba ha  
ling la jong ki da ia iam da ka

jinglynggoh, ba ka mynsiem seiñ-  
iong kaba pluh kum ka ding ka  
lip kynsan jar).

(Pynhap ka Pyrda)

LAH KUT

